

Baij Eu Fwen Vahcuengh Angj Funghcaij Bouxcuengh

唱壮语山歌 炫壮族风采

——Bi 2017 Baijok Yienjciengq Fwencuengh Guengjsae Youq Ningzmingz Yen Banh

□ Vangz Sinhyungz Cau Dwzfeih



▲ Doihfwenleuzloh Yungh-ningz Gih yienj 《Fwenleuzloh Yunghningz》.

◀ Swcigih Minzyijveij fucujyin Yi Siz fat ciengj hawj gij doihfwen ndaej ciengj haenx.



▲ Bouxucjiz ndang daenj buhvaq minzczu yungh Cuengh Gun song cungj vah guh cujiz.

Ndwen 9 ngoenz 27 banhaemh, canghfwen Doihgyoebhab Byaraiz Ningzmingz Yen youq gwnz daizfwen Bi 2017 Baijok Yienjciengq Fwencuengh Guengjsae euciengq le 《Fwen Couxhek》, hawj sing fwen Vahcuengh ndei dingq Mbanjcuengh youq henz Dahmingzgyangh yienhsingz Ningzmingz haprwenz hwnj-daeuj.

Bi 2017 Baijok Yienjciengq Fwencuengh Guengjsae youz Swcigih Minzyijveij cawjbanh, Cungzcoj Si Minzcunghveij, Cungzcoj Si Minzyijveij, Ningzmingz Yen Yinminz Cwngfuj ciepbanh. Swcigih Minzyijveij fucujyin Yi Siz, Cungzcoj Si Minzcunghveij cujyin Cau Gan, Ningzmingz Yenveij cangzveij, fuyencangj Luz Youzgwnggh daengj boudaeuz caeuq vunzlai dangdieg caez yawj le baijok yienjciengq hozdung. 32 aen doihfwen gungh 120 lai boux canghfwen daj daengx gih gak dieg daeuj haenx caez comz yienhsingz Ningzmingz, caemhdaiz doxdax, yungh Fwencuengh yienghnduj, vih bouxyawj yienj le ciengz vwnzva fwen hoengghwd ndeu.

Yi Siz naeuz, haiguh baez baijok yienjciengq Fwencuengh neix miz sam aen muzdiz: It dwg yungh gij hingzsih fwen angqcoux Cibgouj Daih dangj ciuhai. Cibbet Daih doxdaeuj, beksingq gak cuz Guengjsae youq dangj cunghyangh aeu Siz Ginbingz cungjsuhgi guh haedsim lingjdauj baihlaj, gak hangh hong aeundaiej hwnghat ndei, baijok yienjciengq Fwencuengh couhdwg baijok gij cingzcih beksingq gak cuz Guengjsae aeundaiej haenx. Ngeih dwg bineix dwg 《Fueng'anq Sawcuengh》 dinghfah hengzguh 60 hopbi, baijok yienjciengq Fwencuengh dwg gij hozdung geiqniemh angqhoh 《Fueng'anq Sawcuengh》 dinghfah

hengzguh 60 hopbi ndawde aen he. Sam dwg Fwencuengh dwg gij vwnzva dijbauj Bouxcuengh, seizneix swnjcienz caeuq hwnghat vwnzva fwen miz hojnanz, vih swnjcienz caeuq hwnghat vwnzva fwen, doeng-gvaq banh baijok yienjciengq fwen hozdung, yungh gij hingzsih vunzlai haengj dingq gyaeh yawj neix, hawj vunzlai caez camgya, ndaej daengz gij muzdiz swnjcienz vwnzva conzdungj Bouxcuengh.

Baez baijok yienjciengq fwen hozdung neix faen song ciengz guh, ciengz daih'it youq ngoenz 27 banhaemh guh, ciengz daihngaih youq ngoenz 28 banhaet guh. Gyoengq canghfwen gonqlaeng hwnj daizfwen euciengq le 《Minzczu Doxgiat Ranz Ndeu Caen》《Siengjmuengh Saed-yienh》《Mbanjcuengh Gyaunde

Raeuh》《Ngaeuh Mbouj Gaeuq Hom Bya Mbouj Gyan》《Vah Saw Minzczu Aeu Swnjcienz》daengj diuhfwen gak dieg ndei dingq haenx, yinx ndaej geij bak baenz cien boux vunzlai daeuj yawjngonz, gyoengq bouxyawj cungj naeuz yawj ndaej yinx lai, dingq ndaej maez liux bae.

Baez doxdax neix laeb le youhsiuciengj caeuq gujliciengj. Ginggvaq doxdax naemqhaeng le, Doihfwenliuz Bingzgoj Baksak Si, Doihgyoebhab Byaraiz Ningzmingz Yen, Doihfwenhab Majsanh Yen, Doihfwenliuzloh Yunghningz Gih Namzningz Si daengj 10 aen doihfwen dued ndaej youhsiuciengj, Doihdaeuz Fwencuengh Liujgyangh Gih Liujcough Si daengj 22 aen doihfwen aeundaiej gujliciengj.



▲ Canghfwen eu daengz dieg ndei riu, gyoengq bouxyawj riuhuhu hwnj-daeuj.

◀ Doiq lwgsongseng neix riengz daxgoeng daeuj yawj eu fwen.

► Canghfwen hwnj daiz gaxgonq lienh eu fwen.



▲ Doihfwenliuz Bingzgoj Yen hwni daiz vieni eu fwenleuz.



▲ Doihfwen Byaraiz Ningzmingz Yen yienjciengq 《Fwen Couxhek》.

